



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.33. Duo Doctores se submittunt.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.
A.C. 1256.

p. 317.

G. Nangis
Chr.

continere malas sententias aliquas contra auctoritatem ejus ac Episcoporum, quasdam contra Religiosos Mendicantes, alias contra illos, qui per suum salutis animarum litterarumque studium in Ecclesia plurimum boni præstarent. Denique hunc librum amplam offensionis ac turbarum materiam esse, cum Christianos ab eroganda stipe, aliisque pietatis operibus solitis, & ab ingressu Religiosi Ordinis cujuscumque inhiheret. Idcirco Papa 5 Oct. 1256 litteras patentes confici jussit, per quas hunc librum condemnat ut iniquum, scelestum, ac execrabilem; præcipit, ut, quisquis eum habeat, comburat alioqui proscribendus; prohibet, ne quis eundem ullo modo defendat, vel approbet. Hæc damnatio in Anagniniensi templo Cathedrali publice pronuntiata, & liber præsentem Papa concrematus fuit.

§. XXXIII.

Duo Doctores se submitunt.

Duboulay
p. 315.

Vading.
p. 37.

Vix hæc facta erant, cum Universitatis oratores advenerunt. Sed tantum aberat, ut latum retractaretur judicium, ut illi se huic submittere juberentur. Saltem duo eorum, Odo Duacensis, & Christianus Bellovacensis Canonicus in præsentia duorum Cardinalium Hugonis & S. Charo,

S. Charo, & Joannis de Ursinis, complu-
 riumque testium jurabant fore, ut diplo-
 mati *Quasi lignum vitæ* morem gerant;
 ut Fratres Prædicatores Minoresque, no-
 minatim Thomam Aquinatem ac Bona-
 venturam in societatem suam & in cor-
 pus Universitatis recipiant; ut scholam
 Parisiensem dissipari, vel sine Papæ per-
 missu alio transferri neque curent, neque
 patiantur; ut tam in curia Romana, quam
 Parisiis declarent, aut palam e sacro sug-
 gestu edicant, Papam habere jus præco-
 nes evangelii, ac poenitentiae admini-
 stros universum per orbem mittendi abs-
 que consensu inferiorum Præsulum vel Pa-
 rochorum. Episcopus inconsultis Paro-
 chis posse suis in Dioccesibus concionan-
 di, & confessiones audiendi copiam face-
 re. Statum mendicitatis amore Christi
 electum esse statum salutis ac perfectio-
 nis; & Religiosis eum amplexis quam-
 vis valentibus licere sine labore manuum
 de stipe vivere, præsertim si ad litteras &
 ministerium verbi divini se applicent.
 Duos eorum Ordines esse bonos & ab Ec-
 clesia probatos; Deumque id declarasse
 per miracula utriusque Ordinis Virorum,
 quos Ecclesia legitime Sanctis anume-
 rasset. Hæc omnia tum dicturos se tum
 facturos esse ambo Doctores Anagninæ in
 Papæ palatio jurati publice promiserunt
 23 Oct. 1256 fuitque res hæc justis-
Hist. Eccles. Tom. XXI. P. 316. *simæ*

Sæcul. XIII.

A.C. 1256.

P. 316.

Secul. XIII. simæ authoritatis ac fidei tabulis confi-
A.C. 1256. gnata.

§. XXXIV.

S. Thomæ Aquinatis initia.

Sanctus Thomas Aquinas, cujus hic men-
 tio injecta est, sub annum 1225 in lu-
 cem editus originem suam retulit nobi-
 lissimam ad familiam jam inde ab anno
 996 cognitam. Aquinum Campaniæ
 Neapolitano in regno parva quædam urbs
 est, cujus tunc Comes Landolphus com-
 plures habens liberos hunc Thomam fi-
 liolum suum quinquennem informandum
 litteris, & in disciplina monastica educan-
 dum in montem Cassinum misit, eum ibi
 posse aliquando Abbatem fieri sperans.
 Posthæc Landolphus de consilio Præsu-
 lis Cassinensis Thomam adolescentem
 Neapolim misit, ubi Grammaticam iste,
 ac logicam sub Professore Martino, phy-
 sicam sub Petro Hibernico didicit. Erat
 is, ut legimus, primus Rector hujus Uni-
 versitatis ab Imperatore Friderico recens
 conditæ. Ibi Thomas suam ad scientias
 habilitatem monstrare cœperat, cum sa-
 cræ Prædicatorum familiæ in Neapoli-
 tano S. Dominici cœnobio nomen dedit
 anno 1243, ingratis parentum Ordinis
 paupertatem dedignantium: & matre sua
 Neapolim se quæsitum profecta, Romam
 primum,

Boll. to. 6.
p. 657.
Echard.
sum. vinc.
p. 212 p. 218.

Boll. p. 660.

Sup. lib. 79.
§. 30.